



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1572 usque ad annum 1581

**Fleury, Claude**

**August. Vind. [u.a.], 1772**

**VD18 90118642**

§. 61. Quintum concordiae edictum in Calvinistarum favorem.

---

[urn:nbn:de:hbz:466:1-67232](https://nbn-resolving.org/urn:nbn:de:hbz:466:1-67232)

Sæcul. XVI.  
A.C. 1576.

§. LXI.

*Quintum concordie edictum in Calvinistarum favorem.*

*Recueil de  
tout ce qui  
s'est fait pour  
& contre les  
Protestants  
par le Fevre  
p. 28.*

Interea Calvinistarum factio magis, quam unquam, in Galliis numero, & potentia crescebat, cumque timendum esset, ne tunc, si eorum postulationibus resisteretur, ipsi occasione inde quaesita novos tumultus excitarent, hinc rursus hoc anno quintum concordie edictum in eorum favorem edebatur, quod sexaginta tres articulos complectitur: porro in eo Franciæ Rex regni sui Calvinistis sectam suam in omnibus urbibus, pagis, & Franciæ villis profiteri, atque ibidem fana erigendi integram concessit libertatem, exceptit tamen Parisinam urbem, ceteraque loca intra duas leucas huic civitati vicina. Eodem edicto Rex hosce hæreticos suis bonis, & dignitatibus restituit, simul pollicitus, quod intra semestre regni Ordines Blesis congregare, suorumque subditorum querelas excipere, ac regni necessitatibus eo securius prospicere velit: insuper prohibuit, ne Sacerdotes, & Monachi, qui uxores duxerunt, propterea molestentur, quinimo eorum etiam proles ex sacrilegis ejusmodi nuptiis susceptas declarabat legitimas, atque ad bonorum, rerumque partarum

suc-

Sæcul. XVI.  
A.C. 1576.

successionem idoneas. Denique eis concessit Curias utrinque divisas in quolibet Senatu, ita, ut illarum iudices partim ex Catholicis, partim ex Calvinistis seligantur, qui de horum hæreticorum causis cognoscerent: præterea ad plenam hujus pacti securitatem Rex plura oppida in Occidania, Aquitania, Delphinatu, Alverniis, & in Provincia eis assignabat, ea tamen lege, ut Andegavensis Dux, Navarræ Rex, Condæus Princeps, & Damvillæ Dux, quibus præfatæ urbes redderentur, idonee caveant.

Adhæc Rex in hoc edicto declarabat, quod cædis in die Sancti Bartholomæi perpetratæ nequaquam conficius fuisset, ac nonnisi cum summo animi dolore eam percepisset, simulque prohiberet, ne Carnutensis Vicedominus, ac Bellovacensis ob fœdera cum Angliæ Regina inita molestentur: concessit etiam Rex Arausionensi Principi omnia sua bona, ac prædia, quæ in Galliis habebat, rursus possidendi facultatem, pariterque omnes sententias in Molam, Coconasum, & Joannem de la Haye Pictaviensem Prætorem latas declarabat irritas, nullasque, eorum vero memoriam pristinæ existimationi reddebat, atque illorum hæredibus istorum bona recuperandi veniam largiebatur.

Y 2

Sæcul. XVI.  
A.C. 1576.  
batur, eandemque gratiam Colinio maris Præfecto, Briquemaldo, Cavanio, Montgomerio Comiti, & Puteo Montbrunio impertiebatur. Denique Calvinistis permittebat, ut Consistoria, & Synodos habere possent, ea tamen conditione, vi cujus regius quidam Minister illis interesset, prout etiam prohibebat, ne intra regnum ullus liber, nisi prius a loci Ministris sedulo examinatus divenderetur, aut libelli famosi typis vulgarentur: præcipue autem articulo decimo sexto sancitum, ut in omnibus publicis monumentis, & diplomatibus, ubi de Calvinistarum hæresi mentio fieret, semper ea vocaretur prætensa religio reformata. Tandem in capite decimo iidem Calvinistæ obstringuntur, ut in matrimoniis contrahendis circa consanguinitatis, vel affinitatis gradus Ecclesiasticas leges observarent.

## §. LXII.

*Initium Ligæ, seu sancti fœderis.*

*Thu. l. 63.*  
*Avila l. 6.*  
*Maimb. hist.*  
*de la ligue*  
*l. 1.*  
**H**oc edictum, eo quod Calvinistis longe magis, quam priora omnia, faveret, non parum irritabat Catholicos, inter quos magis fervidi in variis locis fœdera inire satagebant, obtendentes, quod veram religionem contra ejus inimicos tueri vellent; jam enim dudum de ejusmodi fœderibus agebatur,